

- Inter equos muli decapenta bis falerati
 Et bis quindeni onagri totidemque cameli
 Atque leopardi gemini binique leones,
 Et pariles ursi qui fratres sunt uterini,
 85 Omnino nivei gambis pedibusque nigelli,
 Qui vas tollebant, ut homo, bipedesque gerebant.
 Mimi quando fides digitis tangunt modulantes,
 Illi saltabant, neumas pedibus variabant.
 Interdum saliunt seseque super jaciebant.
 90 Alterutrum dorso se portabant residendo
 Amplexando se, luctando deiciunt se.
 Cum plebs altisonam fecit gyrando choream,
 Accurrunt et se mulieribus applicuere,
 Quae gracili voce cecinerunt deliciose,
 fol. 10b. 95 Insertisque suis harum manibus speciosis
 Erecti calcant pedetemptim, murmure trinsant,
 Ut mirarentur, ibi circum qui graderentur,
 Non irascuntur, quicquid mali paterentur.
 Insuper et lyncum de vulpe lupoque creatum
 100 Addiderat donis, expers quod non sit honoris,
 Ejus ab urina quia crescit lucida gemma,
 Ardens ligurius, carbunculus ut pretiosus.
 Qualiter is fiat, libeat quem discere, discat.

- E**x ferro clavos tibi fac fabricare quaternos,
 105 In lata butina quos fige, bis in loca bina
 Fortiter impellens, evellere quis queat haut quos,
 In medio butinae terebello facque foramen,
 In quam pone feram, licet invitamve rebellem,
 Ad clavosque pedes vincire sibi bene cures,
 110 Et circa collum nexam suspende catenam,

81. 82. 83 vorher stand im accusativ *mulos, onagros, camelos, leopardos* etc.